

medium mesosterni superantibus; pedibus mediocribus, femoribus posticis anticis parum crassioribus, tibiis spinulosis, tarsis posticis margine inferiore articuli secundi eidem primi aequae longo, unguiculis arcuatis; terebra feminae longa.

Generi *Camptobrochis* FIEB. affinis, mox tamen structura capitis subporrecti embolioque ubique latitudine subaequali, nec non corpore oblongo-ovali, multo minus convexo distinguendus.

Eurychlopterella luridula n. sp.

Lurida, nitida, capite piceo, margine postico verticis marginibusque orbitalibus totis luridis, pronoto callis, maculis duabus discoidalibus posterioribus maculaque utrinque laterali piceis; scutello nigro-piceo; apice flavescente, parte interiore clavi, macula magis minusve extensa pone medium corii posita cuneoque, basi excepta, piceis, membrana fumata, venis piceis; inferne picea, episternis pronoti piceo-luridis, fortiter punctatis; gula, xypho prosterni, acetabulis et interdum ventre luridis vel piceo-luridis, orificiis pallide flavis; rostro piceo-lurido, apicem coxarum posticarum attingente; antennis luridis vel picescenti-luridis, articulo secundo primo quadruplo (♂) vel paullo magis quam triplo (♀) longiore, et margine postico pronoti circiter aequae longo (♂) vel distincte brevioris (♀), articulo quarto tertio vix $\frac{1}{4}$ brevioris; pedibus pallide luridis; vertice oculo circiter $\frac{1}{3}$ latiore; pronoto disco postico fortiter et dense punctato; scutello laevi, medio transversim subtiliter striguloso; hemielytris subtiliter et sat obsolete punctatis. Long. $4\frac{1}{2}$ — $4\frac{4}{5}$ mm., lat. 2 mm.

Habitat in *Cladrastide tinctoria* sec. D. HEIDEMANN in litt: Washington, DC. d. 12 junii 1905, D. HEIDEMANN; Buffalo, N. Y. d. 23 julii 1906, D. VAN DUZÉE.

Larvae hujus speciei sec. HEIDEMANN pulvere albo detecte sunt.

Poeciloscytus elegans n. sp.

♂. Sat breviter ovalis, niger, sat fortiter nitidus, capite marginibus orbitalibus usque ad medium oculi late maculaque utrinque magna inter oculum et basin clypei nec non fronte supra basin clypei anguste stramineis, fronte cetero fusciscente; pronoto strictura apicali, vitta longitudinali inter callos sagittaeformi, medium longitudinis attingente, maculis duabus magnis discoidalibus posterioribus limboque basali toto, nec non epipleuris stramineis, hoc limbo basali antice biangulato ibique cum maculis discoidalibus superne commemoratis subconfluente; scutello apice late stramineo; clavo macula parva basali vittulaque apicali, corio dimidio basali limboque interiore usque in angulum apicalem nec non macula apicali $\frac{2}{3}$ exteriores latitudinis occupante stramineis, parte straminea basali extremo margine exteriori venisque nigris; cuneo fulvo, limbo exteriori usque ad tertiam apicalem partem nigro, basi apiceque stramineis; membrana nigro-fumata, venis stramineis; xypho prosterni, marginibus anticis acetabulorum, orificiis, limbo apicali metapleurarum, strigis transversis segmentorum ventralium stramineis; antennis nigris, articulo primo inferne stramineo, articulo secundo (♂) margine basali pronoti fere $\frac{1}{3}$ longiore; femoribus parte basali stramineis, apicali fulvis, tibiis stramineis, nigro-spinulosis, basi sat anguste fulvis, annulo subbasali apiceque nigris, tarsis nigris; vertice oculo paullo latiore; pronoto parte postico sat fortiter convexo-declivi, parce subtiliter punctato, scutello convexo, subtiliter transversim striguloso. Long. $3\frac{1}{2}$, lat. $1\frac{9}{10}$ mm.

Montes ad Claremont, Cal. D. BAKER, 1 ♂. A *P. unifasciato* F. corpore maris breviusculo, fortius nitido signaturisque flavis multo magis dilatatis certe distinctus.